

Lisi siaki mo i latou o lo'o talosaga mo le Pacific Engagement Visa (PEV):

La'asaga mo le sailia o se galuega i Ausetalia

O lenei lisi siaki ua fuafuaina e fesoasoani ia i latou o lo'o talosaga mo le PEV e saili se galuega i Ausetalia, ina ia mafai ai ona ausia mana'oga o galuega mo le visa.

Fa'aaogā lenei lisi siaki ina ia tumau le fa'atulaga ma fa'atuatuaga a'o fuafua, talosaga, ma sauniuni mo galuega ma le soifuaga i Ausetalia.



La'asaga 1: Sauni au fuafuaga mo le sailia o galuega

O le iai o se fuafuaga mo le sailia o galuega e tu'uina atu ai le taula'iga, fesoasoani e mata'ituina le alualu i luma o lou talosaga, ma fa'aitiitia ai le popole i le sailia o galuega.

- Tu'u ese se taimi fa'apitoa i aso ta'itasi po'o vaiaso ta'itasi mo le sailia o galuega
- Filifili sau sini, e pei o le fa'atumuina o se numera aofa'i patino o galuega i aso ta'itasi, pe fa'aaluina o ni itula patino mo le sailia o galuega
- Tusi ma fa'amau se lisi o galuega ta'itasi na e talosaga iai (igoa o le kamupani, le tulaga, ma le aso)
- Mafaufau i galuega e fetau ma lou tomai, lou agava'a, ma mea e te fiafia i ai.



La'asaga 2: Fausia se talaaga faigaluega (resume)

O se talaaga faigaluega (resume) mālosi e fesoasoani e mata tetele ai lou tagata i pule o galuega ma fa'aailoa ai ou tomai.

- Fa'aaogā le fa'ata'ita'iga o talaaga faigaluega PEV e fai ai sau CV fa'apolofesa
- Fa'aailoa galuega uma sa e faia (galuega totogi ma galuega fesoasoani galue fua)
- Ia aofia uma ai lau tomai ma lou agava'a
- Fa'aopoopo ni molimau tau galuega se to'alua (igoa, tulaga ile galuega, fa'alapotopotoga, ma tuatusi imeli)
- Fesili i le PEV Employment Support Service e toe iloilo ma teuteu lau talaaga faigaluega.



La'asaga 3: Saili ma talosaga i galuega

O le su'eina o galuega i luga o le initaneti e maua ai lou avanoa i le faitau afe o galuega.

- Su'e galuega i luga o upega tafa'ilagi e pei ole SEEK, Indeed Australia, LinkedIn ma le Australian JobSearch
- Fa'atulaga ni fa'aailo o galuega ina ia aua ne'i misia ni avanoa fou
- Fausia se talaaga patino i luga o le upega tafa'ilagi saili galuega ma fa'atumu uma fa'amatalaga
- Ia sauni e fa'amatala e fa'apea, o lau PEV e tu'uina atu ia te oe aia tatau faigaluega e pei o se tagata nofomau tumau i Ausetalia.





La'asaga 4: Sauniuni mo ni fa'atalanoaga

O le lelei o au tapenaga e fausia ai lou fa'atuatuaga ma fa'aali atu fo'i i pule galuega o oe o se tagata e avea ma aseta lelei i le latou kamupani.

- Saili ni fa'amatalaga e uiga i le kamupani ma le vaega o pisinisi a'o le'i faia lau fa'atalanoaga
- Fa'ata'ita'i le taliga o fesili masani
- A'oa'o i ituaiga o fesoota'iga a fale faigaluega i Ausetalia
- Laei lelei ma taunuu i le taimi ua atofaina
- Saunia ni fesili e te fia fesili ai i le pule galuega.



La'asaga 5: Malamalama i lou aia tatau ma fa'amaonia le ofa mai le galuega

O le fa'amaoniga e mautinoa ai e moni lau ofa mai le galuega ma puipua ai oe mai tulaga faigaluega e lē saogalemu pe lē talafeagai.

- Siaki le ofa mai le galuega pe e tumau ma pe fetau ma mana'oga mo le agavaa i le PEV
- Imeli lau ofa i le PEV Employment Support Service mo fa'amaoniaga
- A mae'a ona fa'amaonia, o le a e mauaina se tusi aofia e tu'u fa'atasi ma lau visa o lo'o talosagaina
- Manatua, o le tagata e umia le PEV, e tutusa ou aia tatau tau galuega ma aia tatau faigaluega a tagatānuu o Ausetalia.



La'asaga 6: Sauni o le a e tu'ua le atunu'u ma amatalia galuega

O le fa'ailoa atu ma le tapena lelei e mafai ona fesoasoani atu e fa'afaigofie ai le fesuaiga i galuega ma le ola i Ausetalia.

- A'oa'o e uiga i faiga tau galuega i Ausetalia
- Fa'afeso'ota'i pea i lau kamupani faigaluega e uiga i au fuafuaga mo lou taunu'u atu
- Ia e malamalama o faiga fesili e manatu o se faiga lelei, ae lē o se faiga lē fa'aaloalo
- Ia tausi i le taimi, aemaise i lou aso muamua.

Manatua o le PEV Employment Support Service e maua fua ma e mafai ona fesoasoani ia te oe i taimi a'o faagasolo lau talosaga.

- Ta'ita'iina oe i le faagasologa o le sailia o galuega i Ausetalia
- Feso'ota'i oe ma pule ma avanoa o galuega i Ausetalia
- Saunia oe mo fa'atalanoaga o galuega
- Fa'asoa atu avanoa faigaluega i Ausetalia
- Lagolago atu i au talosaga mo galuega ma lau talaaga faigaluega (resume)
- Tu'uina atu le lagolago faifai pea a'o le'i amata lau galuega, e aofia ai le malamalama i aia tatau tau galuega i Ausetalia.



Saili atili e uiga i le PEV Employment Support Service i le pev.gov.au

I luga la matou upega tafailagi, e mafai ona e saili ai isi punaoa, e aofia ai o pepa fa'amatalaga tau galuega ma fa'ata'ita'iga mo talaaga faigaluega. E mafai fo'i ona e lesitala i Fonotaga o Fa'amatalaga mo Galuega ina ia a'oa'o atili mo le sailia o se galuega i Ausetalia.

